



Broj, 01-07-10-51-183/2024
Sarajevo, 02.08.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 02.09.2010. godine, 08-02-3645/2013 od 24.09.2013. godine, 08-02-388-1/2014 od 22.01.2014. godine i 08-07-2-3459/2021 od 29.09.2021. godine, rješavajući po zahtjevu za pristup informacijama Bojana Miljevića, [REDACTED], od 26.07.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se pristup informacijama u vezi sa odgovorom Ureda disciplinskog tužioca Visokog sudskog i tužilačkog vijeća Bosne i Hercegovine po podnescima Bojana Miljevića od 21.09.2023. godine.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 26.07.2024. godine zaprimilo zahtjev za pristup informacijama Bojana Miljevića, [REDACTED] (u daljem tekstu: podnositelj zahtjeva), za pristup odgovorima po njegovim podnescima upućenim Uredu disciplinskog tužioca Visokog sudskog i tužilačkog vijeća Bosne i Hercegovine (u daljem tekstu: Ured) 21.09.2023. godine u vezi sa predmetima broj T13 0 KTA 0053399 20 i T13 0 KTA 0056418 21.

Razmatrajući predmetni zahtjev, u skladu s nadležnostima VSTV-a BiH, utvrđeno je da Ured posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu evidenciju, utvrđeno je da su navodi pritužbe Bojana Miljevića u vezi sa postupanjem u tužilačkim predmetima br. T130 KT 0053399 20 i T13 0 KT 0056418 21 razmotreni u okviru predmeta broj UDT DI 012560 22. U predmetu je donesena odluka o odbačaju, o čemu je podnositelj zahtjeva obaviješten 13.03.2024. godine. Podnosiocu su u dva navrata upućena obavještenja na adresu navedenu u pritužbi, a koja su se vratila UDT-u kao neuručena. Kopija obavještenja broj UDT DI 012560 22 od 13.03.2024. godine i skenirane povratnice kojim je utvrđeno neuručivanje pošiljke pošiljaocu dostavljaju se u prilogu ovog rješenja.

Postupajući po zahtjevu podnositelja, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog, a može se izjaviti i na zapisnik kod VSTV-a BiH. Žalba se podnosi putem VSTV-a BiH, a na istu se shodno odredbama Zakona o administrativnim taksama („Službeni glasnik BiH”, br. 16/02, 19/02, 43/04, 8/06, 76/06, 76/07 i 98/12), plaća taksa u iznosu od 10 KM, po tarifnom broju 2. Tarife administrativnih taksi.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositelju zahtjeva
2. Uredu disciplinskog tužioca
3. U spis

Prilog:

1. Kopija akta broj UDT DI 012560 22 od 13.03.2024. godine
2. Skenirane povratnice